



PERDANA LIBRARY
 PERDANA LEADERSHIP FOUNDATION
 NEWSPAPER CLIPPING

Newspaper	Suara Keadilan
Date	9/4/2013

Najib tiru manifesto Pakatan — Anwar

Suara Keadilan - 9/4/2013

Oleh **FAZALLAH PIT**

DATUK Seri Anwar Ibrahim mempersoal dari mana datangnya idea isi kandungan manifesto BN kalau bukan ditiru dari manifesto Pakatan Rakyat.

“Hari ini, BN bentang manifesto, apa dia kata, harga kereta akan turun. Aikk? Dia (Umno BN) belajar dari siapa?”

“Semua permit akan diberi kepada pemandu teksi. Aikkk? Baru sekarang tahu? Kalau betul Najib percaya

permit teksi patut diberi, pasal apa 50 tahun tak bagi?” katanya.

Ketua Umum KEADILAN itu berkata demikian pada ceramah depan lebih 10,000 orang di Jeli, Kelantan 7 April lalu.

Datuk Seri Najib Razak pada malam sama membentang manifesto BN yang menyerupai manifesto Pakatan sekalipun pemimpin Umno lantang mengkritiknya sebelum ini.

Paling ketara, pengumuman harga kereta diturunkan antara 20 hingga 30 peratus se-

dangkan Pakatan sudah lama mempromosi kempen ‘Turun Harga Kereta’.

Mengikut formula Pakatan, harga kereta diturunkan 20 peratus setiap tahun secara berperingkat selama lima tahun melalui penghapusan cukai eksais.

Pakatan sudah lama berjanji memberi permit individu kepada pemandu teksi berikutan ia selama ini dibolot pemimpin Umno BN.

Pakatan membentang ‘Manifesto Rakyat’ di konvensyen

pada 27 Februari lalu dengan memberi tumpuan kepada kebajikan seluruh lapisan masyarakat.

Pada ceramah sama, Anwar percaya Najib tidak akan melaksanakan manifesto BN sebaliknya hanya bertujuan meraih sokongan dan undi pada PRU 13.

“Dia (Najib) tidak akan lakukan. Sebab itu, saya minta kawan-kawan, ambil keputusan bijak. Sekarang patut (su) dah buat keputusan (undi Pakatan),” katanya.

